

[na vrh](#)

Općinsko vijeće Na osnovu Člana 24. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), Člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i Člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 31. oktobra 2007. godine, donijelo je

ODLUKU

O IZMJENAMA I DOPUNAMA ODLUKE O OSNIVANJU MJESNIH ZAJEDNICA NA PODRUČJU OPĆINE STARI GRAD SARAJEVO

Član 1.

U Članu 2. Odluke o osnivanju mjesnih zajednica na području općine Stari Grad Sarajevo ("Službene novine Kantona Sarajevo" broj 15/98), vrše se sljedeće izmjene: Tekst MZ "Logavina I" mijenja se i glasi MZ "Logavina", a tekst MZ "Logavina II" se briše. Tekst MZ "Medrese I" se mijenja i glasi MZ "Medrese", a tekst MZ "Medrese II" se briše. Tekst MZ "Vratnik I" se mijenja i glasi MZ "Vratnik", a tekst MZ "Vratnik II" se briše.

Član 2.

Do izbora novih savjeta mjesnih zajednica na području općine Članovi dosadašnjih savjeta iz prethodnog Člana nastaviće rad kao jedinstveni savjeti objedinjene mjesne zajednice. Sjednice savjeta iz prethodnog stava sazivat će i predsjedavati njihovim radom, naizmjenično predsjednici dosadašnjih savjeta.

Član 3.

Ova Odluka stu pa na snagu danom objavljivanja na oglasnoj tabli Općine, a naknadno će biti objavljena u "Službenim novinama Kantona Sarajevo".

Broj 02-49-559/07

31. oktobra 2007. godine

Sarajevo

Predsjedavajući

Općinskog vijeća

Stari Grad Sarajevo

dr. sc. **Rizah Avdić**, s. r.

[na vrh](#)